

\*"মিষ্টি মিষ্টি বাচ্চারা — তোমরা এমন বাবাকে পেয়েছ -- যিনি একাধারে বাবা, শিক্ষক, সদগুরু -  
-তাঁর একারই এই তিনটি রূপ, এই কারণে এখন তোমরা বিভ্রান্ত হওয়া বন্ধ করে সত্যিকারের  
উপার্জনের জন্য লেগে পড়ো\* । "

\*প্রশ্ন :- নতুন দুনিয়ায় রাজত্ব করার জন্য যোগ্য কে হতে পারে ?\*

\*উত্তর :- যে এখন সর্ব শক্তিমান বাবার থেকে সর্বশক্তি প্রাপ্ত করেছে। বাচ্চারা তোমরা হলে  
রুহানি যোদ্ধা (warriors) । বাবার মত অনুসরণ করে রাজধানী স্থাপন করছ । বাবা তোমাদের  
শ্রীমত দেন যে যোগবলের দ্বারা তোমরা বিজয় প্রাপ্ত করবে\* ।

\*প্রশ্ন :- কোন্ কোন্ বাচ্চারা প্রতিটি পদক্ষেপে উপার্জন করে জমা করতে পারে\* ?

\*উত্তর :- যে প্রতিটি কর্ম শ্রীমত অনুযায়ী করে, তাদের প্রতিটি পদক্ষেপে উপার্জনই হল  
আসল উপার্জন । স্মরণে থাকাও উপার্জন, সার্ভিস (সেবা) করাও উপার্জন, যন্ত সেবা করাও হল  
উপার্জন\* ।

\*গান :- ওঁম্ নমঃ শিবায়.....\*

\*ওঁম্ শান্তি\* । এখন বাচ্চারা তোমরা জেনেছো যে এক হলেন লৌকিক পিতা, আর একজন হলেন  
পারলৌকিক পিতা । যখন কেউ দুঃখী থাকে তখন পারলৌকিক মাতা - পিতাকে স্মরণ করা হয়  
। কেউ তো কেবল পরমাত্মাকে স্মরণ করে, কেউ বলে তুমি মাতা - পিতা.... যদি কেউ মাতাকে  
স্মরণ করুক বা না করুক, গড ফাদার বলে তাহলেও মাতাও নিশ্চয়ই আছেন। বাচ্চারা তো  
মাতা পিতা ছাড়া জন্মাতে পারবে না । সেইজন্য পারলৌকিক মাতা পিতা আছেন , যাঁদের স্মরণ  
করা হয় । নিশ্চয়ই ওনারা কিছু না কিছু সুখ দিয়ে গেছেন । মনে পড়ে ভারত সুখধাম  
ছিলো, স্বর্গ ছিলো । লৌকিক মা বাবার থেকে দুঃখ পাওয়া যায়, তাই তো পারলৌকিক মাতা  
পিতাকে স্মরণ করা হয়। কেননা ওনাদের থেকে অনেক সুখ প্রাপ্ত হয় । নরক আছে বলেই  
না মনে পড়ে যে আবার স্বর্গে গিয়ে সুখের বলয় প্রাপ্ত করব । গুরুগণ তো বলেন ---  
জপ - তপ- ভক্তি ইত্যাদি করো । বাবা কিন্তু এমন মত দেন না । লৌকিক বাবা তো  
বলে দেন যে পড়াশোনা করতে শিক্ষকের কাছে যাও , তারপর বাণপ্রস্থ অবস্থায় এলে বলবেন  
যে গুরুর কাছে যাও । বাবা তো তোমাদের এমন বলেন না । দেখো, লৌকিক আর  
পারলৌকিক এর মধ্যে কত পার্থক্য । ওরা কত বিভ্রান্ত থাকে। কিন্তু ইনি বলেন যে আমি  
তো একাধারে তোমাদের পিতা, শিক্ষক এবং গুরুও। তাইতো তোমাদেরকে কেমন করে বিভ্রান্ত  
করতে পারি ? তিনজনই হলেন তিনি নিজে। এই জন্যই সবাই এঁনাকে স্মরণ করে । মানুষ তো  
ভক্তি মার্গে খুব ধাক্কা খেতে থাকে । জ্ঞান মার্গে ধাক্কা খাওয়ার কোনো ব্যাপার নেই । এইসব  
তো --জ্ঞান, দুঃখ আর সুখের খেলা, তৈরি হয়েই আছে। এটাই বাবা বাচ্চাদের বোঝাচ্ছেন  
। হদের শিক্ষক হদের পড়াশোনা পড়ান । আমি বেহদের শিক্ষক তোমাদের  
বেহদের পড়াশোনা করিয়ে দিই । তোমরা তো জানো যে এটা হল মৃত্যুলোকে । ওরা যা  
কিছু পড়াশোনা করায় তা হলো পুরানো দুনিয়ার জন্য, আর আমি যা কিছু পড়াশোনা করাই নতুন

দুনিয়ার জন্য । এই দুনিয়া দিন প্রতিদিন পুরানো হয়ে চলেছে, এখানে সুখ কখনোই প্রাপ্ত হওয়ার নয় । সুখ আর দুঃখের খেলা কেমন করে হয়েছে, সেটা বাবা বুঝিয়ে দেন । বাবা আত্মাদের সাথে কথা বলেন যে -- "বাচ্চারা তোমরাই সুখে ছিলে, তারপর যখন রাবণের প্রবেশ ঘটল তখন থেকে ধীরে ধীরে দুঃখ শুরু হলো । তারপর কল্পের সঙ্গমে এসে তোমাদের সুখের দিকে নিয়ে যাই । এখন তোমাদের বুদ্ধির তালা খোলা আছে । তোমরা যা কিছু এখন জানছ, সেটা যথার্থই জানছ, এটা বাবা ছাড়া আর কেউ জানাতে পারবে না" । বাচ্চারা তোমাদেরকে বাবা-ই এসে সুখ প্রদান করেন । এখন তোমরা জেনেছো যে আত্মা অবিনাশী । এই শরীর তো বদলাতে হয়ই । পরমাত্মাও পরম আত্মা, ওঁনার নাম শিব, এই যে মানুষ জন আছে তাদের রচয়িতা । এখানে সব হলো হৃদে ক্রিয়েটর (রচয়িতা) । বাবা হলেন বেহদের রচয়িতা ।

সত্যযুগ থেকে নিয়ে কলিযুগ পর্যন্ত তোমরা যে বাবাকে পেয়েছ তাঁরা হলেন হৃদের । সত্যযুগে তোমরা প্রালঙ্ক ভোগ কর। ওখানে তোমাদের একজন পিতা আর একটিই সন্তান । কলিযুগে একজন পিতার ৮- ১০টা সন্তান হয় । প্রজাপিতা ব্রহ্মাকে দেখো কত কত কত সন্তান । কিন্তু তারা মুখ - বংশধর , যারা বি. কে হয় , তারপর তারা আবার সত্যযুগে গিয়ে দেবতা হন । সেই লৌকিক বাবা, শিক্ষক, গুরু, সব হৃদের কথা শোনান, আর এই পারলৌকিক বাবা বেহদের কথা শোনান । নতুন নতুন কথা বাবা বাচ্চাদেরকেই বলেন । এমনকি ঘরে বসেও এই নতুন শিক্ষা প্রাপ্ত করতে পারো । এ হল ভগবানের পাঠশালা । এ হল শ্রীমত ভগবদ গীতার পাঠশালা অথবা জ্ঞানের গীত, যা তোমরাই শোনো । জ্ঞান - সাগর বাবা-ই এসে তোমাদের জ্ঞান - জ্ঞানেশ্বরী বানান । মাঝেই হলেন জ্ঞান - জ্ঞানেশ্বরী । মানবজাতির (humanity) বংশতালিকার বৃক্ষ এখন শুরু হয় । প্রথমে প্রজাপিতা ব্রহ্মা তারপর জগত অম্বা । সর্ব প্রথম ব্রাহ্মণের রচনা হয় তারপর দেবতা, ক্ষত্রিয়, বৈশ্য, শূদ্র । জগত অম্বার পদ মর্যাদা অনেক উঁচু । কিন্তু ওঁনাকে কেউ জানে না । প্রচুর প্রচুর দেবী দেবতার ছবি বানিয়ে দেওয়া হয়েছে । বাস্তবে কিন্তু আট দশ হাত বিশিষ্ট মানুষ তো হয় না । \*বিশ্বুর চার হাত দেখানো হয়, কিন্তু চার পা দেখানো হয় না\* । এ সব হলো পুতুল খেলা । কোলকাতায় অনেক রকমের দেবী মূর্তি বানানো হয়, অনেক খরচ করা হয় । খাইয়ে-দাইয়ে তারপর বিসর্জন দিয়ে দেয়, এই সব হলো ভক্তি মার্গের । তোমরা জান যে আমরাও দেবী দেবতা ছিলাম, তারপর অসুর হয়ে গেছিলাম, আবার বাবা এসে দেবী দেবতা বানিয়ে দেন । এখন এটা হল ব্রষ্টাচার দুনিয়া । গভর্নমেন্টও বলে ব্রষ্টাচারী দুনিয়া এটা, কিন্তু লোকেদের সোজাসুজি জিজ্ঞেস করো যে তোমরা কি পতিত ? তাহলে তারা মেনে নেবে না। আরে তোমরা পতিত পাবনকে আহবান করছ, সবাই আহবান করে যেমন রাজা রানী এবং প্রজারা । সন্ন্যাসীরা পবিত্র হয়, এটাও ড্রামাতে গাঁথা আছে । ভারতের মতো পবিত্র স্থল ভূখন্ড আর কোথাও হয় না। এইজন্য একে সত্য ভূখন্ড বলা হয়, পরে আবার এটা মিথ্যা ভূখন্ডে পরিণত হয় । ভারতকে পবিত্র বানাবার জন্য বাবা ভারতেই আসেন । ভারতেই শিবের অবতরণ হয় । সোমনাথের মন্দির কত বৃহৎ বানানো হয়েছে । ভারতবাসীরাই বানিয়েছে , এবং বাবা একে ঐশ্বর্যশালী বানিয়েছেন । বাবা তো এই পতিত দুনিয়া আর পতিত শরীরকে পবিত্র বানাতে আসেন । কিন্তু অনেক বাচ্চারা চিনতেই পারে না , বাবার সাধারণ রূপের কারণে। এই ভক্তি মার্গের পথে তোমাদের অনেক ধন সম্পদ থাকে যার জন্য তোমরা হীরে জহরত গেঁথে মন্দির তৈরি করো । সত্যযুগে তো অফুরন্ত ধন সম্পদ হয়ে থাকে ।

ওখানে অগুপ্তি টাকা পয়সা, অগাধ ধন সম্পদ থাকে । বাবা যাকে সম্পদশালী বানান তিনি অনেক বৃহৎ স্মৃতিসৌধ বানিয়ে দেন । যারা পূর্বে লক্ষী নারায়ণ ছিলেন তাঁরাই আবার ৮৪ জন্ম ভোগ করেন । প্রথমেই তাদের পতন ঘটে, তারপর তারা ভক্ত হয়ে যান । যারা বানিয়েছে, তাদেরই স্মৃতিসৌধ বানাতে থাকে । লক্ষী নারায়ণ প্রথমে বিকর্মজীত হন তারপর বিকর্মী হয়ে যাবেন । তাহলে তাদের এটা কর্তব্যের মধ্যে পড়ে যে প্রথমে যারা এমন বানিয়েছেন , তাঁদের পূজো করা । সোমনাথের মন্দির কত ফাস্ট ক্লাস ছিলো — যারা লুণ্ঠপাট করেছে তারা তো মারা গিয়েছে । কিন্তু তাদের লুণ্ঠপাটের চিহ্ন রয়ে গেছে। এবার তো তোমরা জান যে আমরাও পূজ্য হচ্ছি, তারপর পূজারী হব , তারপর মন্দির বানানো শুরু করব । কেবলমাত্র একটাই মন্দির তো হবে না । রাজারা তো নিজের ঘরে মন্দির বানিয়ে থাকেন , যেমন ঘরে গুরুদ্বারা বানানো হয়। প্রথমে তো কেউ একজন গুরুদ্বারা বানিয়ে ছিল তারপরে ভক্তি মার্গ শুরু হয়ে যায় । প্রথমে অব্যভিচারী ভক্তি করে তারপর ব্যভিচারী ভক্তি করে । আজকাল তো মানুষ নিজেরও পূজো করায় , সেটাকে বলা হয় ভূত পূজা । ভূত পূজা দুনিয়াতে অগাধ আছে, যা মনে আসে সেই রকমই চিত্র বানিয়ে যেতে থাকে । ভক্তি মার্গ তো তাই । এখন তোমাদের বুদ্ধিতে পুরো জ্ঞান পূর্ণ আছে । বাবা সঙ্গমে একবারই এসে জ্ঞান প্রদান করেন । শাস্ত্রে তো অনেক অবতারের উল্লেখ আছে । অবতার একজনই হন । আত্মারাও তো অবতরিত হয় , কিন্তু অবতার মনুষ্য আত্মাকে বলা যাবে না । অবতার একজনই, নিরাকার বাবা, যাঁকে পৃথিবীর সবাই আহ্বান করে । ফাদার তো একজনই হবেন, যিনি পরমধামে থাকেন । তাহলে তো মাদারও চাই । তাহলে কি মাদার পরমধামে থাকেন ? না । মাদার ফাদারের প্রশ্ন এখানে হয় । ফাদার তো এখানে রচনা করবেন, এইজন্যই বেহদের (অসীমের) বাবাকে স্মরণ করা হয় । বাবা এসে স্বর্গের রচনা করুন, যাকে বলা হবে স্বর্গীয় ঈশ্বরীয় পিতা ( heavenly God Father) । এখন তো দুঃখ , লড়াই মারামারি হয় এইজন্য আহবান করা হয়, হে! গড ফাদার দয়া করুন । হে! পতিত পাবন আসুন । আমরা সবাই দুঃখী পতিত । হে ! বাবা আবার এসে স্বর্গ , শ্রেষ্ঠাচারী বানিয়ে দিন । তোমরা সবাই ভ্রষ্টাচারী ছিলে , এখন শ্রেষ্ঠাচারী হতে চলেছ । ভ্রষ্টাচারীকে শ্রেষ্ঠাচারী একমাত্র বাবারই কাজ । যিনি পৃথিবীর গড ফাদার, উনি জানেন যে এসময় সব বাচ্চারা অনাথ হয়ে হয়ে গেছে, তাদেরকে মালিক, ধনী, শ্রেষ্ঠাচারী বানাতে হবে । ১০ - ২০ জনকে তো শ্রেষ্ঠাচারী বানালে হবে না । ভারত শ্রেষ্ঠাচারী ছিল। তখন দেবতাদের গভর্নমেন্ট ছিল । এখন রাবণ রাজ্য হয়েছে, তাই পাঁচ বিকারের প্রবেশ ঘটেছে । ভগবানুবাচ, একমাত্র নিরাকারকেই ভগবান বলা যায় । এক গীতার খন্ডন করলে সব শাস্ত্রের খন্ডন হয়ে যায় । বাবা বলেন যে আমি যখন তোমাদের রাজযোগ শিখিয়ে ছিলাম তখন ভারত স্বর্গ হয়ে গিয়েছিল । \*"গীতা আমি শুনিয়েছিলাম"\* । কৃষ্ণকে পুরো দুনিয়া ভগবান বলতে পারবে না । আমাদের আত্মাদের বাবা তো নিরাকার ভগবান । তাছাড়া এটা কেমন করে বলা হয়েছে যে — গীতার ভগবান শ্রীকৃষ্ণ । বলা হয় ব্যাসদেব লিখেছেন । কিন্তু বাবা বলেন নতুন বিশ্বের রচয়িতা জ্ঞানের সাগর, আমি পতিত পাবন । আমাকেই সবাই আহবান করে -- হে ! পতিত পাবন পরমাত্মা আসুন, এসে আমাকে পবিত্র বানান । নিরাকার বাবাই ব্রহ্মার দ্বারা পবিত্র দুনিয়ার স্থাপনা করেন, পতিত দুনিয়ার বিনাশ করান । তারপর যারা পবিত্র হয়ে যাবে, তারাি রাজ্য ভাগ্য প্রাপ্ত করবে । তোমরা হলে শিব শক্তি সেনা, জগত অশ্বা নিমিত্ত হয়ে আছেন । উনিও শিববাবার সাথে যোগ লাগিয়ে শক্তি নিচ্ছেন, যাতে রাবণের থেকে বিজয় প্রাপ্ত করেন । ভারতেই রাবণ রাজ্যে আছে

, ভারতেই রাবণকে দহন করা হয় । ভারত শ্রেষ্ঠাচারী ছিল, এখন কলিযুগে ভারত ব্রষ্টাচারী হয়ে গেছে । \*এটাই তো খেলা, ব্রষ্টাচারী থেকে শ্রেষ্ঠাচারী আর শ্রেষ্ঠাচারী থেকে ব্রষ্টাচারী হওয়ার । এই চক্র কেমন করে ঘোরে, এটাই তো অনেক বোঝবার ব্যাপার\* । বাচ্চারা তোমরা জান যে আমরা বাবার শ্রীমত অনুসরণ করে ভারতকে স্বর্গ বানাচ্ছি । তোমরা হলে রুহানী যোদ্ধা, যোগবল যুক্ত । সর্ব শক্তিমান বাবার মত অনুযায়ী নিজের রাজধানী স্থাপন করছো । বাবা তাঁর মত জানাচ্ছেন যে তোমরা যোগবলের দ্বারা বিজয় প্রাপ্ত করতে পারো । যোগরত থাকা -- এটাও এরকম উপার্জন । যজ্ঞের সার্ভিস করা , এটাও উপার্জন । অন্য সবাই চলছে দেহধারীর মত অনুযায়ী, \*আর তোমরা অনুসরণ করছ সর্ব শক্তিমান বাবার শ্রীমত। তাই অন্য কেউ বিশ্বকে জয় করতে পারবে না । ড্রামাতে ওদের পার্ট নেই, এই বিশ্বে রাজত্ব করার\* । কত বড় গুরুত্বপূর্ণ কথা, কিন্তু কত সাধারণ ভাবে বলা । যদিও প্রদর্শনীতে কেউ এতো বুঝতে পারে না তা সত্ত্বেও প্রজারা আসতেই থাকে । আচ্ছা !

মিষ্টি মিষ্টি সিকীলধে বাচ্চাদের প্রতি বাপদাদার ভালোবাসা ও স্মরণ আর সুপ্রভাত । রুহানি বাবার রুহানি বাচ্চাদের নমস্কার ।

\*ধারণার জন্য মুখ্য সার\* :-

১) প্রতিটি কর্ম শ্রীমত অনুযায়ী করতে হবে । স্মরণে থেকে যজ্ঞ সেবা করে নিজের উপার্জন জমা করতে হবে ।

২) উদ্দেশ্যহীন ভাবে ঘোরা ছেড়ে ভবিষ্যতের নতুন দুনিয়ার জন্য পড়াশোনা করতে হবে । জ্ঞান ধারণ করে জ্ঞান-জ্ঞানেশ্বর, জ্ঞান-জ্ঞানেশ্বরীই হতে হবে ।

\*বরদান :- রুহানী সমাজ কর্মী (social worker) হয়ে প্রতিকূল (ভয়াবহ) পরিস্থিতি পার করার জন্য সাহস প্রদানকারী সত্যিকারের সেবাধারী ভবঃ\*

এই সময়ে প্রতি মুহূর্তে বিশ্বের প্রতিকূল অবস্থা বা উৎক্ষিপ্ত অবস্থা বৃদ্ধি পেতে থাকবে । অশান্তি বা হিংসার খবর শোনা মাত্র তোমরা আধ্যাত্মিক সমাজ সেবাধারী বাচ্চারা বিশেষ ভাবে সতর্ক হয়ে নিজের পাওয়ারফুল ভাইব্রেশন( powerful vibration) দ্বারা সবার মধ্যে শান্তির, সহ্য ক্ষমতার সাহস ও শক্তি দিতে হবে, লাইট হাউস হয়ে সর্বকে শান্তির লাইট দিতে হবে । এই কার্যে কর্তব্য কর্ম এখন তীর গতিতে পালন করো, যার ফলে আত্মাদের আধ্যাত্মিক নিশ্চিত আশ্বাস( রাহত) প্রাপ্ত হয় । জ্বলন্ত দুঃখের অগ্নিতে যেন শীতল জল সিঞ্চনের অনুভূতি হয় ।

\*স্লোগান :- সকলের দ্বারা সম্মান প্রাপ্ত করতে হলে নম্র উদার( নির্মাণচিত্ত) হও\* ।